

## UGOVOR

za osiguranje imovine – građevinskog objekta - zgrade u kojoj je smješten Kantonalni sud u Tuzli i opreme od opasnosti od požara i nekih drugih opasnosti sa dopunskim rizicima za 1 (jednu) godinu

### UGOVORNE STRANE:

- 1. KANTONALNI SUD U TUZLI**, sa sjedištem U Tuzli, ulica Maršala Tita broj 137 (u daljem tekstu: ugovarač osiguranja – osiguranik), identifikacioni broj: 4209394940004, koga zastupa predsjednik suda Indira Hadžimehmedović, s jedne strane i
- 2. „SARAJEVO OSIGURANJE“, d.d. Podružnica Tuzla**, sa sjedištem u Tuzli, ulica Slatina 4, (u daljem tekstu: osiguravač) identifikacioni broj: 4200326930117, koga zastupa direktor podružnice Jasenko Karahmet, s druge strane.

### Član 1.


Predmet ugovora je pružanje usluga osiguranja imovine – građevinskog objekta – zgrade, u kojoj je smješten Kantonalni sud u Tuzli i opreme u zgradi u skladu sa bilansom osnovnih sredstava – Popisnom listom osnovnih sredstava, nepokretnih i pokretnih stvari koje čine osnovna sredstva sa stanjem na dan 31.12.2022. godine, od opasnosti od požara i nekih drugih opasnosti sa dopunskim rizicima osiguranja imovine, za period od 1 (jedne) godine dana, po ponudi osiguravača broj: 02-1979/23 od 09.06.2023. godine, koja čini sastavni dio ovog Ugovora, zaključenog u postupku direktnog sporazuma.

### Član 2.

Ugovarač osiguranja – osiguranik se obavezuje da će na načelima uzajamnosti i solidarnosti, udružiti određeni iznos u zajednici osiguranja, odnosno zajednici rizika, a osiguravač se obavezuje da, ako se desi događaj koji predstavlja osigurani slučaj, isplati osiguraniku naknadu, odnosno ugovorenu svotu iz prethodno navedene ponude koja čini sastavni dio ovog Ugovora.

### Član 3.

Obaveza osiguravača na isplatu osigurane svote po osnovu osiguranja imovine – građevinskog objekta - zgrade u kojoj je smješten Kantonalni sud u Tuzli i opreme od opasnosti od požara i nekih drugih opasnosti sa dopunskim rizicima osiguranja namještaja i opreme sa mašinama i aparatima, od opasnosti provalne krađe i razbojništva, kao i obijesti (vandalizma) na



osiguranim stvarima u toku izvršenja provalne krađe „prvi rizik“ do iznosa od 20.000,00 KM, izliva vode iz vodovodnih i kanalizacionih cijevi i centralnog grijanja na „prvi rizik“ u iznosu od 20.000,00 KM, od čega 10.000,00 KM za građevinski objekat – zgradu i 10.000,00 KM za opremu i vakuumirana i termoizolaciona stakla prozora i vrata na „prvi rizik“ 50 m<sup>2</sup>, po jednom štetnom događaju ne može biti veća od iznosa u ponudi.

Osiguranik se obavezuje da će uplatiti ukupan novčani iznos premije osiguranja od 1.295,70 KM, a osiguravač se obavezuje da će isplatiti osiguranu sumu, odnosno naknadu štete, ako se desi događaj koji predstavlja osigurani slučaj po naprijed navedenoj ponudi.

U premiju osiguranja uračunat je otkup amortizacije i otkup franšize.

#### **Član 4.**

Osiguranje počinje u 24,00 sata onog dana koji je označen u polisi, kao početak osiguranja, a prestaje u 24,00 sata onog dana koji je u polisi označen kao dan prestanka osiguranja.

#### **Član 5.**

Plaćanje premije izvršit će se u 12 (dvanaest) jednakih mjesečnih rata i podliježe trezorskim procedurama poslovanja, a isto se vrši putem Sektora Trezora pri Ministarstvu finansija Tuzlanskog kantona, za ovlaštene transakcije.

#### **Član 6.**

Mjesto plaćanja premije je mjesto u kome ugovarač osiguranja – osiguranik usluga ima svoje sjedište.

Mjesto pružanja usluga je ujedno i mjesto zaključenja ugovora o osiguranju.

#### **Član 7.**

Ugovarač osiguranja – osiguranik je dužan osiguravača obavještavati o svim relevantnim činjenicama koje su u vezi isplate premije, za ovlaštene transakcije, nastanku osiguranog slučaja i sl.

#### **Član 8.**

Ovaj ugovor stupa na snagu potpisivanjem od strane ugovarača osiguranja – osiguranika i osiguravača.

#### **Član 9.**

U slučaju eventualnog spora nadležan je Općinski sud u Tuzli.

**Član 10.**

Ovaj ugovor sačinjen je u 4 (četiri) istovjetna primjerka, od kojih po 2 (dva) primjerka zadržavaju ugovarači.

**UGOVARAČ OSIGURANJA  
/OSIGURANIK/  
KANTONALNI SUD U TUZLI**  
Broj: 003-0-Su-23-000 457  
Datum, 26. juni 2023. godine

**OSIGURAVAČ  
„SARAJEVO OSIGURANJE“ d.d.  
Podružnica Tuzla**  
Broj: 01-2186/23  
Datum, 30. 06. 2023

Predsjednik suda

Indira Hadžimehmedović

Direktor podružnice

Jasenko Karahmet

